



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. IV. Diluuntur præcipua argumenta Vvendrochii

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DE OPINIONVM PROBABILITATE.

A deprehensum ignorantia invincibili laborasse. Unde cum Albertus magnus, Alemis, D. Bonaventura, & alij antiqui Theologi supra citati, docent non posse dari ignorantiam invincibilis juris naturalis, loquuntur de jure naturali, ut continet præcepta primi & secundi generis, non vero de præceptis tereti & quarta classis. Eodem modo intelligendus est D. Thomas, cum docet ius naturale esse conceptionem homini naturaliter inditam: hoc enim verum est de jure naturæ ut dicit notissima illa & generalissima principia morum, quæ nullo indigent discursu, sed itatim habita notitia terminorum, ipso lumine naturalis rationis innescunt; non vero de aliis, quæ non nisi discursu & labore ex illis deducuntur.

§ VI.

Diluntur præcipua argumenta Wendrochij.

LICET ex principiis jam statutis facile solvi possint præcipua fundamenta Wendrochij; netamen quicquam insolutum maneat, ea breviter hic referemus ac diluemus.

In primis ergo probat authoritate Doctoris Angelici, opinionem probabilem falsam, & iuri naturali expugnantem, neminem peccato penitus eximere, & tria adducit ejus testimonia ex quodlibetis desumpta. Primum habetur quodlib. 8. art. 13. ubi S. Doctor ait: *Illud quod agitur contra legem, semper est malum, nec excusat per hoc quod est secundum conscientiam.* Secundum sumitur ex quodlib. 9. art. 15. ubi dicit: *Error quo non creditur esse peccatum mortale quod est peccatum mortale, conscientiam non excusat à toto, licet forte à tanto.* Tertium deponit ex quodlib. 3. art. 10. ubi sic habet: *Nullus excusatur, si sequatur opinio-rem erroneam alicujus Magistri;* in talibus enim ignorantia non excusat.

Addit S. Doctorem hanc doctrinam ex ingenio proprio non peperisse, sed ex certissimis Scripturæ oraculis desumisse. Quid enim clatus (inquit) quam illa Christi vox: *si cœcus cœco ducatum prester, ambo in foveam cadunt?* Quis autem neget cœcum esse qui opinionem probabilem falsam sequitur, cum veritatem, id est verum lumen non cernat? Corruerat ergo ipse in foveam, si secutus fuerit fallax illud lumen, quod ipsi fallitatem exhibet, similitudine veritatis induitam. *Quid validius* (addit) quam iste Proverbiorum locus: *Si via que videtur homini rectissima, & non iusta illius ducunt ad mortem.* Quid enim aliud via, quæ videtur recta, & non est, nisi falsa probabilitas? Omnino certè conscientia illa probabilis ab errore nihil differt, cum falsum amplectitur: Ergo fallax probabilitas quantolibet suffragantibus numero, seu adventitiâ auctoritate muniatur & juvetur, non excusat à peccato, sed ducit ad mortem.

Id confirmat exemplo desumpto ex Evangelio. Nulla enim, inquit, opinio falsa probabilior fuit, quam ea, quæ Judæi, quibus minus bene cum uxoribus conveniebat, fas sibi esse censebant dare illis libellum repudij; nullus quidem apud ipsos doctus id suspicabatur illicitum: & tamen ex Christi verbis, qui repudium tantum ad duritiam cordis declarat Judæis esse concessionem, & dimissam ab aliquo uxori sine adulterio duci non posse, constans Patrum traditione concludit nunquam Judæis repudium licuisse.

Tom. III.

B Addit aliqua SS. Patrum testimonia, præser-tim illud Tertulliani de spectaculis cap. 12. Errato-mus, nusquam & nunquam excusat quod Deus damnat: nusquam & nunquam licet, quod semper & ubique non licet. Et istud D. Bernardi de præcep. & dispens. cap. 14. quod probabilitates falsas (inquit) funditus disjicit: *Vt interior oculus vere sit simplex, duo illi arbitror necessaria, charitatem in-tentione, & in electione veritatem: nam si bonum quidem diligit, sed verum non eligat; habet quidem zelum Dei, sed non secundum scientiam, & nescio quomodo iudicio veritatis vera esse possit cum falsitate similitudines.*

Respondeo primò, hæc testimonia magis no-cere, quam prodeße Wendrochio: Tum quia hæc generaliter probant, ea quæ sunt ex igno-rantia live juris naturalis, live positivi, non ex-cusari à peccato, & tamen ille fest. 3. § 7. expre-sse docet, ea quæ sunt ex ignorantia invincibili juris positivi non esse peccata, etiamsi sint legi positiva contraria: Tum etiam, quia illa sua-dent, non solum non licere sequi opinionem probabilem, sed nec probabiliorem, imo nec probabilissimam, cum contingere possit quod opinio etiam probabilissima sit falsa, & legi naturali contraria. Cum ergo hæc testimonia ni-mis probent, nihil omnino suadent. Unde.

Ad primum locum D. Thomæ respondeo, il-lud quod est contra legem semper esse malum, nec ex-cusari per hoc quod est secundum conscientiam, erro-neam errore crassō & affectato, qui non excusat à peccato: benè tamen id quod est secundum conscientiam erroneam, errore invincibili & inculpabili, quem à peccato eximere docet S. Doctor, non solum locis supra citatis, sed etiam in illo articulo 13. quodlib. 8. in argumendo, sed contra, ubi sic ait: *Si aliquis adhibet diligentiam, in-quirens si habere plures præbendas sit licitum, ne-venit aliquid quod ipsum moveat ad hoc quod sit il-licitum, videtur quod sine peccato plures posse præben-das habere:* At fieri potest quod sit contra legem divinam habere plures præbendas: Ergo ex S. Thoma ille non peccat, qui ex ignorantia invincibili facit aliquid legi divina repugnans. Ex quo patet responsio ad alium locum ex quo libeto 9. desumptum: quando enim S. Doctor ait: *Error quo non creditur esse peccatum mortale, quod est peccatum mortale, conscientiam non excusat à toto, licet forte à tanto,* loquitur de errore crassō & affectato, non vero de invincibili & inculpabili. Idem proorsus dicendum ad tertium textum quodliberi 3. art. 10. ubi legitur: *Nullus excusa-tur, si sequatur opinionem erroneam alicujus Magis-tri:* hoc enim intelligendum est de eo, qui ex ignorantia vincibili & culpabili opinionem illam sequitur; secus vero de illo, qui invincibili & inculpabili talem errorem ignorat.

Eodem modo exponi debet illud Matt. 15. § 6. *cœcus cœcum ducat, ambo in foveam cadent;* & istud Proverb. 14. *Est via qua videtur homini justa, non iusta autem eius ducunt ad mortem.* Nam in pri-mo sermo est de cœcitate affectata & voluntaria, quæ revera Pharisæi tenebantur: in secundo de via, quæ per ignorantiam crassam & volun-tariam videtur homini recta, non vero de illa quæ invincibiliter & inculpabiliter resta-existi-matur.

Quod vero subnectit Wendrochius de libel-lo repudij, nempe nunquam repudium Judæis licuisse, & hoc constanti Patrum traditione constare, non est certum: nam S. Thomas in

Rr

Supple-

Supplemento qu. 67. art. 3. docet probabilitate r^d dici posse, sub lege Moyli licitum fuisse ex permissione divina repudiare uxorem, quod etiam afferunt Scotus, Durancus, Paludanus, & alij antiqui Theologi in 4. Sentent. dist. 33. ubi docent in dissoluble matrimonij vinculum divina lege initio fuisse institutum; in hac deinde per Moysem, Dei iussu, ad majus malum vitandum, fuisse dispensatum, seu indultum, ut hoc vinculum propter graves alias causas dissolvi posset; ac denique à Christo i^o nova lege indultum illud repudij abrogatum ac revocatum fuisse.

266 Errat etiam hic Author, dum confundit opinionem probabilem falsam cum opinione erronea. Prima enim illa est, quia licet recipsa veritatem non attingat, & ei consona non sit, probabilitati rationi seu verisimilitudini nititur: secunda vero probabilitati rationi vel authoritatit non nititur, sed communis Ecclesiae testimonio, vel SS. Patrum traditioni repugnat. Unde Theologi in tractatu de fide distinguere solent inter propositionem falsam, temerariam, erroneam, & hereticam.

267 Tertulliani locus de spectac. cap. 20. non multum urget: facile enim respondetur, nunquam excusari quod Deus damnat, quando scienter & voluntarie fit; scimus verò, si ignoranter & involuntariè fiat: Deus enim damnat accessum ad uxorem alterius, illeque lege naturali prohibitus est, ignorans tamen invincibiliter non esse suam, excusat apud Deum, ut patet in Jacob quando primò accessit ad Liam. Idem cum proportione dicendum de eo qui operatur ex opinione probabili falsa, & legi divinae contraria, quam invincibiliter credit esse veram, & legi divinae conformem: nam licet faciat aliquid illicitum absolutè & secundum se, ratione tamen ignorantie invincibilis, que ut supra ostendimus, tollit rationem voluntarij, excusat apud Deum.

Locus etiam D. Bernardi ad rem non facit, nec militat contra nos, qui afferimus hominem semper teneri eligere id quod probabilius, & veritati conformius seu vicinius ipsi appareat, sed solum contra recentiores Casuistias, affirmantes posse eligi sententiam minus probabilem in concurso probabilioris: qui enim sic operatur, non habet in electione veritatem, cum non eligit, sed rejicit id quod ipsi videtur conformius aut vicinius veritati, ut supra art. 2. §. 2. ponebatum est.

§ V.

Alia Wendrochij argumenta solvuntur.

268 POSTQUAM Wendrochius Scriptura & SS. Patrum testimoniis dogma illud, quo afferit nullam opinionem probabilem falsam excusare à peccato, eti ejus falsitas invincibiliter ignoretur, probare conatus est. Theologicis argumentis illud nititur sustinere scilicet 2. §. 3. ubi primum licet arguit. Sine gratia nullum opus bonum fieri potest: Sed nunquam gratia est sine cognitione veritatis, & nunquam veritas cum opinione probabili falsa: Igitur ex opinione probabili falsa nullum opus bonum fieri potest.

Deinde sic ratiocinatur: Peccatum, juxta D. Augustinum & S. Thomam, est factum, dictum, concupitum contra legem aeternam: Sed opus factum ex opinione probabili falsa ab aeterna lege disfidelit: Igitur tale opus peccatum est. Unde Augustinus scribit, 44. de diversis cap. 6. sit quod nisi homo secundum iustitiam regulam direxerit actus suos, in errorum iniquitatis impingit; & D. Thomas, 2. 2.

A qu. 19. art. 4. docet bonum aeternum voluntario pendere ex lege aeterna. Ex quo sequitur voluntatem, cum aeternale pugnantem, bonam non esse, ac promovere pravam esse.

Tertio arguit ex verbis illis Apostoli ad Roman. 14. Quod non est ex fide, peccatum est, quod de vera & Christiana fide. D. Augustinus & S. Bernardus intelligunt, aut si de conscientia accipiantur, ut vult S. Thomas, certe de conscientia intelligendum est quam dirigi fides, ut idem significat: unde cum opus procedens ex opinione probabili falsa, non sit ex fide, nec ab ea derigatur, peccatum est.

B Denique objicit. Si opinio probabilis falsa, ratione ignorantie invincibilis, à peccato excusat, sequeretur quod merè opinantibus melior esset conditio, quam eorum qui veritatem cognoscunt; illi enim excusatentur à peccato, non vero isti: Sed hoc videtur absurdum: Ergo & illud.

C Hæc sunt præcipua Wendrochij fundamenta, quæ si quid probant, ostendunt non solum non licere sequi opinionem probabilem, sed nec probabilem, immo nec probabilissimam: cum contingere possit, ut supra dicebamus, quod opinio probabilissima sit falsa, & legi aeternæ contraria: unde hæc argumenta contra ipsum militant, & ab eo solvenda sunt: cum ille fecit. 4. §. 1. expresse doceat, è dubiis opinionibus contrariis licere amplecti probabilem: videat ergo quomodo tela projecta in ipsum præcientem redeant. Hoc præmisso,

D Ad primum argumentum respondeo negando Majorem, & Minorē: utraque enim propositio falsa est, & à communi Theologotum sensu aliena. In primis falsum est, sine gratia nullum opus bonum fieri posse: licet enim sine illa non possit fieri ullum opus bonum honestate supernaturali, & meritoria vita aeterna, potest tamen sine illa elicī opus bonum honestate moralis naturali, seu opus honestum & ratione consonum, v.g. colere parentes, subvenire regem, diligere amicos &c. ut expresse docet S. Thomas qu. 24. de verit. art. 14. ubi querit, Nam liberum arbitrium posuit in bonum sine gratia? Erit respondet, Quod nulla res agit ultra suam speciem: sed secundum exigentiam sua specieris unaqueque recare potest, cum nulla res propria actione efficiatur. Et autem duplex bonum; quoddam quod est natura humana proportionatum; quoddam vero quod excede humana natura facultatem: putat iste actus, qui est dare elemosynam, est bonum proportionatum viribus humanis, secundum quod ex quadam naturali dilectione vel benignitate homo ad hoc moverit, excedit autem humana natura facultatem, secundum quod homo ad hoc inducitur ex charitate, qua mens omnis Deo unit. Ad hoc ergo bonum, quod est supra naturam humanam, constat liberum arbitrium non posse sine gratia: quia per huiusmodi bonum homo vitam aeternam meretur; constat autem quod sine gratia homo mereri non potest. Illud autem bonum, quod est natura humana proportionatum, potest homo per liberum arbitrium explere. De quo plura contra Baronum & Jansenium dicimus in tractatu de gratia.

E Similiter falsum est quod addit. Wendrochius, nempe gratiam nunquam esse sine cognitione veritatis, & ardore charitatis: cum enim ignorantia inculpata & invincibilis juris saltem pollici potest a peccato, ut ipse fatetur scilicet 3. §. 7. licet formam non habeat, & signum non manifeste, & litera non caris mutetur.